



La comunité ti fej les mius aodanzas de trepa ligrèza
y benedisciu ai geniturs

Victor A. Mejia y Alexa Pitscheider por le Bato de **MATTIA**
Vincenzo Gammarota y Adrijana Kolderaj por le Bato de **GINEVRA**
Simon Moling y Lucia Kehrer por le Bato de **LAURIN**

Enformaziuns y Comunicaziuns



Benedisciu dles gherlandes: En domègna ai 1. de dezèmber ales 10:00 é duc enviés al **Rorate dles Families, co gnará abelí dal Cor Pices Usc.** Al vèn ince benedí les gherlandes d'Advènt. La jont é bel enviada da les porté te dlijia sò dant.

Trèi Rêsc: Al vèn chirí mitans y mituns dala 3. elementara ala 3. mesana, por jí a fá i Trèi Rêsc. **Al é da jí ai 2 y 3 de jená 2025 fora por les ciases y spo ai 6 te dlijia.** La **pröma proa é ai 3.12. ales 17:30, te calogna basete.** Prëibel anunziessè por cösta aziun emportanta, anter i 29.11. sön WhatsApp pa Luca Comploj, al 389 9567531.

Uniun dles Ères: En domègna ai 1. de dezèmber, pröma domègna d'Advènt, do le Rorate dles 10:00, é duc enviés da **storje pro te salf de calogna, oliche la Uniun dles Ères dá fora biscoti y patüc fat a man,** sön spënorä lëdia, co vá a fin de bën.

Comune: L'aministrazion de Comune enviëia la jont ales **encuntades con la popolaziun. En dedolönesc ai 26.11 te salf dles manifestaziuns d'Al Plan;** ai 27.11. te Ciasa dles Uniuns ia La Pli; ai 28.11. te salf dles manifestaziuns da Rina. **Les encuntades mët dagnora man ales 8 da sëra.** Do le salüde vëgnel ciarè zoruch ai laurs fac dal 2021 al 2024 y al gnará prejenté le program 2025. La jont podará sambën ince fá domandes y porté dant propostes y osservaziuns.

Mësa torona y prejentaziun: En **dedemesaledema ai 27 de novèmber ales 19:30** él te gran salf dal Istitut Ladin a San Martin la prejentaziun dal film de sensibilisaziun sön l'adoranza dal alcol, sot al ditul „**L'alcol pó ester bun... da fá de bi danns**“. Dedô mësa torona con l'autur dal film Manfred Feichter, Christian Ferdigg, Ruth Niederkofler y Karin Hüttner Sonnerer.

Referat: En **dedemesaledema ai 27 de novèmber ales 20:00** él ete en Ciasa de Palsa le referat „**Agressives und Herausforderndes Verhalten; gibt es einen Weg aus der Eskalation?**“ Referënta é Helga Oberhofer. Le referat é por todësch y debann.

Marcé da Nadé: En **sabeda ai 30 de novèmber dales 9:00 ales 16:00** é duc enviés al marcé da Nadé, tal zënter sozial La Spona ete Pederöa.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: **ploaniaalplan@gmail.com** - Download: **www.unitepastorala.org**



Plata dla Ploania Al Plan de Mareo San Vigile

Ploan: **Signor Klaus Sottsas**
E-Mail: **klsottsas@rolmail.net**

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastorala.org

Ann B

24.11.2024 - Gran festa de Crist Re
Ultima domègna dal ann liturgich B

nr. 52

I sun gnü tal monn a dé testimonianza dla lereté

Dal Vangelo do San Jan 18, 33b-37

Te chël tèm ^{33b}á Pilatus damané Gejú: Este tò le re dai iüdes?
³⁴Gejú á respognü: Dijeste cösc de töa bona, o él sté zacai d'atri che t'al á dit? ³⁵Pilatus á respognü: Sunse iu forsc en iüda? To popul y i gragn prëi t'á sorandé a me. Ci aste pa fat? ³⁶Y Gejú á respognü: Mio rëgn n'é nia de cösc monn. Sce mio rëgn foss de cösc monn, fossel mia jont co combatess, ch'i ne ti gness nia sorandé ai iüdes. Mo mio rëgn n'é nia da chilò. ³⁷Pilatus ti á dit: Chël ó dí, che t'es empó en re? Gejú á respognü: Tò le dijës, iu sun en re. Porchël sunse nasciü y gnü tal monn, ch'i dá testimonianza por la lereté. Vignönn che é dla lereté ascüta mia usc! **Parora dal Signur! - Lalt a te, Gejú Crist**



Bëgnü, Madú!

I orun ti dé le bënodü a Madú, le seminarist nò co gnará tal proscimo tomp te nosta ploania. Madú vën dal'India y fej pert dal grup de seminarisc de India y Tanzania co vën ospitës tal Seminar da Porsenú. Desche al é belo sté pal seminarist Ditrick, co é sté tló cina da d'aisciöda, sarál sën ince Madú co acompagnëia nosc ploan les sabledes y domëgnes, fora por les ploanies dla bassa valada. A Madú ti aodunse che al pói se sté saorí tló da nos y passé de bi momonc te nostes comunités.

Gejú á dit: „Tò le dijës, iu sun en Re“

Pilato n'ó nia se lascé trá ete tles chestiuns dai iüdes. Al ne capësc nia - y ciamó deplü: ares ne ti enteressëia nia. Ierusalem ne n'é nia le post plü de prestisc dal impêr roman, y le compito de Pilato é chël da tigní la situaziun chîta. Porchël damanel Gejú, de chël che al ará sogü belo aldí: Este tò le re dai iüdes? Cösc é val' co passenëia te so ponsier: i rêsc dles provinziës pó ma ester enló con la grazia dal emparadú. Mo Pilato á pa bën en bun nes dla situaziun: nia vignönn co dij da ester en re, é ince prigrorus por Roma; y al sont che i sorastanc dai iüdes ne ti an pó daldöt nia a cösc Gejú, por rajuns che Pilato ne capësc nia. **Tan saorí che al foss sté por Gejú da se porté al sogü, con l'aiüt de Pilato. Mo Gejú vá ennant so tru dla lereté,** ince sce al sá ci che al ti aspeta. Y che Gejú fej ensciö, é val' che Pilato capësc ciamó demanco. *(Michael Tillmann, Image)*

Edema liturgica dai 24.11. ai 01.12.2024

DOM 24.	GRAN FESTA DE CRIST RE ultima domègna dal ann liturgich	<i>Andreas Dung-Lac y compagns, Flora</i>	
08:15	gran mëssa a La Pli		
10:00	zelebrazion dla Parora de Dio		<i>oferta por la ploania</i>
14:30	BATO: Mattia Mejia		
Lön 25.	<i>Caterina d'Alessandria (Tarina), Elisabeth</i>		
19:00	s.m. a La Pli		
Ded 26.	<i>Konrad y Gebhard, Ida, Albert</i>		
19:30	corona		
Dem 27.	<i>Virgil, Oda</i>		
Jöb 28.	<i>Berta, Günther</i>		
Ven 29.	<i>Friedrich, Iolanda, Jutta</i>		
07:30	s.m. + Carlo Erlacher ++ Pisching de Candido vïs y ++ da Tornareccia püres animes		LAD
Sab 30.	<i>Sabeda de Santa Maria I</i> festa de Sant'André apostul		
07:30	s.m. a La Pli		
11:00	Bato: Ginevra Gammarota de Vincenzo Gammarota y Adriana Kolderaj Laurin Moling de Simon Moling y Lucia Kehrer		
17:30	corona		
18:00	rorate por la musiga, stödafüs y crusc blancia + Epo Rindler de Pal + Sergio Miano, Genziana ++ Ottilia y Milio Castlunger vïs y ++ dla familia de Margareth Federa por familia de Agreiter Elmar		DEU (musiga)
DOM 01.	Pröma domègna d'Advënt – C domègna dla dljija te ciasa	<i>Natalia, beat Charles de Foucauld</i>	
08:15	gran mëssa a La Pli		
10:00	gran mëssa por döta la ploania rorate por les families dal ann por + Antonia Lanz Miribung + Erwin Kosta + Albert Taibon + Clara Vanzi	<i>oferta por la ploania</i> (cor dai mituns)	LAD

Crist Re

Ciarede, la porsona atló é Gejú Crist. Te cösta figöra desperada, flagelada, é da conèsce.


La festa de Crist Re nes recorda cösc Re demorvèia: en Re döt atramonter co i atri resc, nia en re de vera, no de poténza y gnanca en chef dal terör. Mo gnanca en re dles liondes con düc sù atribuc de belèza. Mo önn co s'á fat picio, co é gnü alerch tal chit y gnü motü pai malfaturs.

Önn co á pordü döt, por davagné döt y nes salvé nos düc canc.

Cösc Re pó nes plajèi.

Gejú Crist n'é nia gnü te cösc monn, por nes dí cosses logiches.

Èl é gnü te cösc monn por nes porté ala dërta verité tla verité, de chëra che Èl á dé testimonianza con söa soferonza.



Jozsef Gabor

Oraziun dal de

I periun, Dio onipotënt y etern, t'ás orü fá nées dötes les cosses te Crist to Fi,
Re dal univers: fá che vigne creatöra, delibrada dles morones dal picé, te sorvësces y te laldes sonza fin.
Por nosc Signur Gejú Crist, to Fi, co é Dio y vir y regnèia con te, tal' unité dal Spirit Sant, por düc i secui dai secui. Amen.

Jesus hat sich mit dem Königstitel schwergetan. Jedenfalls hat er ihn selber nicht verwendet. Obwohl er durchaus messianisches Bewusstsein hatte – König wollte er nicht heißen. Er wollte nicht sein, was allgemein damit verbunden war: Egoismus, Macht, Gewalt. Pilatus war es, der ihn schließlich so genannt hat: Die Kreuzesinschrift, wie sie bei Hinrichtungen Brauch war, hält genau diesen Titel fest: Der König der Juden. Zum Spott für ihn und für die Juden.

Ofertes empede ciöf sön fossa por +nt Heinrich Erlacher "Heinele dal Craizer"

Dljija: fam. Call Hans, fam. Erlacher Marianna y Stefania

SS. *Mësses:* fam. Call Karl y Christl

Iolan y Dio s'al paii

Sorvisc dai Ministronc

Sabeda 30/11 (18:00h): Emily Agreiter, Melanie Feichter, Elena Frenademetz, Emma Irsara, Ginevra y Pire Maneschg, David y Romina Palfrader, Anita y Davi Luiz Possamai, Jonas y Tobias Rindler, Anna, Damian y Matthias Winkler;

Domègna 01/12 (10:00h): Judith Clara, Luca Da Col, Diana y Matthias Deval, Anja, Emil y Paul Ellecosta, Emily Leonardelli, Anna Resch

N.B.: Düc i ministronc é entres begnodüs da gní a sorví, ince sce ai n'é nia scric sö!

